



宦遊日記

徐榜著

本館據經川叢書  
本排印初編各叢  
書僅有此本

# 宦遊日記

薦所徐榜著

後學趙紹祖同校

秉公

厚姻婭，近小人，尹氏所以不平于秉鈞。開誠心，布公道，武侯所以獨優于王佐。故曰本心日月，私欲蝕之。大道康莊，偏見窒之。聽信偏，則枉直而惠奸；喜怒偏，則賞僭而刑濫。惟公生明，偏則生暗。

保民

古者于民，飢溺猶己飢溺，心誠求之。若保赤子，于戲入室，啖語飲釀，啣肥出則敲朴，痛痒不知，人心不仁。一至于斯，淑問之澤，百世猶祀。酷吏之後，今其餘幾，誰甘小人而不爲君子。

訓廉

惟士之廉，猶女之潔，一朝點污，終身玷缺，毋謂暗室，昭昭四知，汝不自愛，神明可欺。黃金五十駝，胡椒八百斛，生不足爲榮，死且有餘戮。彼美君子，一鶴一琴，望之凜然，清風古今。

訓勤

爾服之華，爾饌之豐，縷絲顆粒，孰非正供。居焉而曠厥官，食焉而怠其事，稍有人心，胡不自愧。昔者君子靡素其餐，炎汗浹背，日不辭難，警枕計功，夜不遑安，誰爲我師。一范一韓。

儉有四益

凡人貪淫之過。未有不生於奢侈者。儉則不貪不淫。可以養德。一益也。人之受用。自有劑量。省蓄淡泊。有長久之理。可以養壽。二益也。醉濃飽鮮。昏人神智。若蔬食菜羹。則腸胃清虛。無滓無穢。可以養神。三益也。奢則妄取。苟求志氣卑辱。一從儉約。則於人無求。於己無愧。可以養氣。四益也。

勤有三益

民生在勤。勤則不匱。一夫不耕。必受其饑。一婦不蠶。必受其寒。是勤可以免饑寒。一益也。農民晝則力作。夜則頽然甘寢。非心淫念。無從而生。昔公父文伯之母曰。瘠土之民。莫不向義勞也。淵明詩曰。田家豈不苦。弗獲辭此難。四體誠乃疲。而無異患。是勤可以遠淫僻。二益也。戶樞不蠹。流水不腐。周公論三宗。文王之壽。必歸之無逸。呂成公釋之曰。主靜。則悠遠博厚。自強。則堅實精明。操存。則血氣循軌而不亂。收斂。則精明內守而不浮。是勤可以致壽考。三益也。

自在箴

算計有益。吾亦算計。煩惱有益。吾亦煩惱。奈算計無用。煩惱徒勞。何如隨緣隨分。以咏以陶。度有限之年。樂孔孟之道。

聖人之心。隨寓而安。以無所係也。設有一所係。則前有牽。後有曳。欲隨寓而安得乎。

十三哨戒諭

營壘、當壯士卒、當恤器械、當整武藝、當練偵探、當勤遊巡、當慎救援、當速追捕、當嚴設伏、當密堵截、當勇毋尅剝士餉、毋輕許苗糧、毋虛裁兵數、毋混冒首功、毋幸鄰災、毋匿盜情、毋偷安而忘備、毋輕敵以僨師、毋以小利而失同事之好、毋以小勝而長怠傲之志。

### 勸勉

世情宜淡、立志貴剛、剛則欲不能屈、淡則欲念不起、私喜私怒皆足以害事、而怒之爲害尤甚、故制之最要、除之最難。

下學便是爲己實功、行慕高遠、畢竟近名之心未忘。

欲念易逞者、其機順也、欲動難制者、其習久也、故學貴及時、功當勇決。

耕堯田者有水慮、耕湯田者有旱憂、耕心田者無慮無憂、日日豐年。

楚師伐宋、師人多寒、楚子拊而勉之、三軍之士皆如挾纊、楚子不能使人皆挾纊、而三軍之煖、煖其言也、楚人有饋篋醪者、楚莊王投之於河、令軍士迎流飲之、三軍皆醉、楚莊王不能使河爲醪、三軍之醉、醉其賜也。

養子如芝蘭、既積學以培植之、又積善以滋潤之、子弟之賢不肖係諸人、而世人不以其不肖爲可愛、子弟之貧富繫諸天、而世人乃憂其貧賤、多爲不義之事、以富之貴之、得非倒見耶、情慾之路、嗜好之府也、目愛采色、命曰伐性之斤、耳聽淫聲、命曰攻性之鼓、口貪滋味、命曰腐腸之藥、鼻

悅芳馨。命曰燠。燠之烟。身安與。駟。命曰召。盛之機。此五者所以養生。亦以傷生。聲色在前。而不知好。是槁其心者也。聲色已過。而不能化。是蕩其心者也。不槁不蕩。惟從事於心學者。自得之。

凡觀人之術。無它。但作事神氣足者。不富貴。卽壽考。其次莫若觀其所受。此最切要。升不容斗。不覆卽毀。物理之不可移者。

以歲之凶穰。而荒其稼穡者。非良農也。以利之盈縮。而棄其資貨者。非良賈也。以行之禍福。而改其善行者。非良士也。

蘇黃門云。人生逐日。胸次須出一好議論。若飽食煖衣。惟利欲是念。何以自別於禽獸。

張飽帆於大江。驟駿馬於平陸。天下之至快。反思則憂。處不爭之地。乘獨後之馬。人或我嗤。樂莫大焉。

飽肥甘。衣輕煖。不知節者。損福。廣積聚。驕富貴。不知止者。殺身。飽藜藿者。鄙膏粱。樂貧賤者。薄富貴。安義命者。輕死生。遠是非者。忘臧否。

居軒冕之間。常有山林之氣。處塵埃之內。不可有市井之習。

未雨而雷。雨必不成。未行而言。行必不成。古人所以恥躬之不逮。

山鷄自愛其毛。終日影水。目眩則溺。人亦有溺於自愛者。芙蓉山有異鳥。其名曰鶉。愛形顧影。不自藏。爲羅者所得。士之羅於世網。皆由其不肯自藏。故爾。夜蛾撲繞燈燭。驅去復來。弗至焦爛弗止。利祿聲色之

在人。往往甘其心而死之。何以異於是哉。

關中隱士樂道耕。常言修養之士。當書月令。置坐左右。夏至宜節嗜欲。冬至宜禁嗜欲。蓋一陽初生。其氣微矣。如草木萌生。易於傷伐。故當禁之。不特節也。

馬永卿曰。唐柳公度年八十有強力。人問其術。對曰。吾平生未嘗以脾胃熟生物。暖冷物。以元氣。佐喜怒。此亦當爲座右銘也。

此宦遊日記。前明徐方伯薦所公歷官時之所自課。在當時或不止此。後人掇其餘而刻之者也。內十三哨戒諭。當是備兵辰沅時所作。今按武陵姚季問作公辰沅道生祠記云。諸苗爲梗。公如沅州。按視十衛十三哨。獎勸良策。驚磨鈍。三年間。縛生擒而犁其庭者八百口。衝擊電掃。破八九寨。苗穴。則公之武功可見。又按公集中。有谷戰圖說小序。自云拜命入疆。苗醜竊發。巡歷鎮。覈觀風。五靖無非。崇山峻嶺。懸崖淵谷。退而歎曰。地勢如此。無怪乎新息武侯不能盡得志。乃取諸名將陣圖。有當於谷戰之法者。編爲十圖。且爲之說。以頒示諸將領。爲訓練式。夫苗民之匪用靈。而爲今聖世之所當遏絕亟矣。惜乎其圖不傳。其說亦不可得而見也。興懷及此。遠想慨然。嘉慶五年六月後學趙紹祖識。





三十年四月五日  
啟 書 店

編主五雲王

編初成集書發

種二他其及覽備宮東

中華民國二十八年十二月初版

發行人

王 長沙南正路  
雲 五

印刷所

商務印書館

發行所

商務印書館  
各埠

(本書校對者董雲廷)  
行

G 一五二六上

平



83
14
683